

寶奎堂集

寶奎堂集卷二

上海陸錫熊耳山撰

經

進文

恭慶

皇上七旬萬壽樂府

擬上壽曲九章

謹序

歲上章加子壯月旬有三日恭逢

皇上七旬萬壽聖節純嘏懋懋輳嘉禧駢香合撰乾始增

紀無量

昌期告禎曩牘遼睹

皇帝乃以元辰誕敷

德音博惠陬涇庸答猷懇而

盛德冲邃不居旅賀自爵土采迺秀民兆姓以逮藩國

之長黃衣冠之師益樹領翹趾展祝悃謳誦謹勿億

口一音

臣蒙

恩典校祕書近

光覃渥忻躍倍萬每惟

功德巍巍隄軼繩契雖酌蠡測管未由規晰於萬一竊

考郭茂倩樂府燕射歌辭晉宋四廂樂皆有王公上壽
歌曲而指意淺陋其詞弗稱輒依仿厥體本中外嵩呼
臚頌之志演爲上

壽曲九章庶叶諸管絃侑

萬年之觴有以宣導下情榮鏡顯符對敷無疆之庥慶
臣誠懼誠忤拜手稽首謹上

擬王公上

壽曲一章章四十句

章一

聖符邁威神應

帝期沂昌源肇大邦作高山

武之揚燦豐功

叶

殲四路輝霆震輾松杏馘麋膚宅新

邑正三辰

烈丕承廓岐函蒙古服朝鮮臣式

典訓垂億年大一統咸率賓

聖繼

聖綏兆民頌鳳紀覲龍鱗訖晻昧融

皇仁鍾

五葉開風雲篤嘉祐生

聖人迪

前光嬋竇聞大報功昭睦親洽辨章化無垠獻

曼壽彌千春

擬文職諸臣上

壽曲一章章二十二句

皇帝踐阼董正百官邕熙念德治登泰安於穆衢室疇
咨日勤棘序槐庭咸荷

照臨

帝挈懿綱臬表儀陳吹之揚之有翹其倫陪之蹶之有
恫其昏

天鑒因材品式平均坦坦康逵祁祁德心王道正直人
思自殫

聖壽萬億紳纓洽歡

擬武職諸臣上

壽曲一章章三十一句

我

皇握樞檐稜威八荒參旗井鉞用征不庭普天率土莫

不來王執義討不憾

天聲震戎疆出車有衡旗有章

廟算協惟斷以有成助順

天降康撫附剽逆萬里不持糗糧月蝓旣平河源旣通
逮西山白狗羌敢跳踉刑有常

天戈一揮繫酋如羊畚耕邏戍遙相望四衛遺支踔羅
刹而歸誠會爰閭伊綿覲

光磨高崖凌穹蒼與天竝永

萬年慶無疆

擬岳牧諸臣上

壽曲一章章十七句

聖化浹兮九區受

朝寄兮韞曳而佩紆奉進止兮

皇之謨燭萬里兮戶樞述我職兮來趨凜

命討兮袞與鈇

皇之巡兮遵川塗効負弩兮前驅

御茨階兮臨青蒲仰

儉德兮垂模流竹箭兮波徐石鱗鱗兮海之隅迴

重瞳兮都兪輦奕祺兮廬河渠願年年兮掃除迓
清蹕兮承懽娛

擬在籍諸臣上

壽曲一章章十八句

大君履庥慶中外被禔福佚老歸田廬

恩優視祠祿生逢太平年名亞耆英續皤皤偕庶老子
弟互勉勗銀牌綴彩縷黃紉耀華服肖翹各含生矧乃
荷

涵育山中芝作蓋海上籌添屋

天行仰彌健臣齒愧見錄願同擊壤民常効華封祝

擬士林上

壽曲一章章十九句

天垂奎壁文章府五緯聯躔珠貫組

聖人則之成化普芹頓菁阿大昕鼓山川出雲天降雨
詆蕩亨衢鴻筵羽甲乙環開

恩榜五孝秀論升欣接武泰濛之西灤水潄新翼絃誦
皆鄒魯體祛軋茁崇雅古如周中規折中矩

彝訓崇閎式藝圃羣流滙瀛寰四部蕭艾咸芟採蘅杜

三閭牙籤扶棟宇故事麟臺那足數

壽考作人欽

聖主橫經挾槩紛歌舞

擬耆庶上

壽曲一章章十八句

桐生百物華滋十雨五風應期

醴膏周流四垂含哺鼓腹以嬉

湛恩次第溥施壤賦全蠲不訾漕艘限年罷齎

賜復屢浹肌窮檐貧穀行糜寒暑

勤思怨咨艱難

知小人依昔卅髫皆艾耆長養幸際

昌時疏秧春墾一犁納稼秋倉萬坻爲此春酒介眉元
會運世遞推兕觥歲晉

蕃釐

擬藩服上

壽曲一章章十三句

象胥鞮譯六幕陶

皇風車書玉帛內面爭來同外臺棗幣王會陳旣宗亦

有丹青職貢新圖工周陟羽獵甫草歌車攻諸藩以時
人

覲陪珣弓九菌百濮炎海波浮空昆侖西極王母之所
宮伊古書契紀載難形容陸讐水慄奔走罔不共
山莊會極絡繹隨賓鴻纏頭鐻耳効祝齊呼嵩上
皇帝壽章部環無窮

擬班禪額爾德尼上

壽曲一章章十五句

揚法螺霏天花遠涉絕漠朝

皇家

佛出世臨正衙震旦壽寓開光華資十力演三車現大

吉祥

帝所嘉寫須彌竝洛伽塞山萬道絢紫霞頌

皇釐侔岱華

平聲

積算永紀恒河沙

聖駕五巡江浙恭紀

擬康衢問答辭

皇帝四十有五載

蕃釐錫慶覃衍黃圖有

詔五巡江浙顓章是俞斗柄插寅

六飛首塗粵百有一旬有七日而

旋軫於神都鴻儀備

闔澤濡謏

臣 懜學珥管

金鋪聆桑梓之質諺採里巷之驢歛謹詮紀什一竊附
訓方之所臚

有康衢謠童問於壤叟曰元化丕宅卜征簪期太乙天
目躔臨四維懿哉爍乎

皇帝五巡之上儀也渙

寶檢於元朔而壽萬慶綏案瑞牒於俶令而春雲汁宜

且練日在卯木德迓釐蒼牙氏所以登敷教之臺行八
風而奠九陂故迺對

祈穀之燿燎戒避耕之駟駢德疇遐而弗浸膏罔罅而
不熙洵其爲踰遠古軼來茲者乎

壤叟曰戴灝英者銅渾不能範其大履游極者瓊柱不
能測其會叩惟

恩霑化翔周浹於

前巡者久隱賑而無外

天子儲庥攄念懃懃懇懇亦既有年而

翠華重幸乎江介吾儕小人賦軀存漱樽瀼蓋宜臻演
溢滲肌而延脰者倍什伯於曩載今子直晞雅頌典馥
之文而弗摺陬瀝揮誦之概奚其爲儻擬也曷不叩槃
鑄竭菅蒯條次件舉更端而對

諸童曰裼裼揚土襟淮抱瀛桑雋應候農鶚報成獨不
睹

皇帝之載耒而省耕乎饁者負襁鉏者輟矜盆薌芬蓋
遮術臨迎紛傑儻不可以數計飲飛式道寅喻
上指曾弗懷夫趕聲自我天覆雨施雲行蓋

霓旌未拂乎首頓而

德音雷動早沸岷絡而殷稽陞逋滌其舊百萬是贏供
免其新什三是程其使持節所理三郡無出今年租賦
咸賦緊望差重輕它若留稔結殖茨京禮覲鮐惠孺嬰
宙合咸龢千里一垌皞皞乎歌遂物者葛天之氓吾其
捉拏而進賡

壤叟曰江左昌丰百貨輸備雄閣背望鉅賈鱗次車服
光靡千鄺百隧

天子俶然閱侈風之些窳而思博以瓦蕢還几籛與赫

蘇訓允式夫

四荻塵

皇情之迴慮申董勸而彌摯凡我薦紳大夫士以暨游
蕘之僮灑削之隸罔不含真鏡粹邸成淳泊庸上迪乎
聖人之志

謠童曰伊古羣后曾款敷奏庸功桓樅爰閭袞紱來同
惟

上聖董正曰虔摯有位內外罔不共雖萬里恒疎若進
對矧扈鉤陳以景從

皇帝乃御朝覲之帳而釐百工焉疇錫以乘馬疇旌以
翠章叶疇報善最而進律疇換劇易而替衝甄除道之
庶案轉一階以遞崇以至四方會時事者亦奉進止司
馬門外述職守於

睿聰洵虞考無以藻其密而漢課不足儷其公

壤叟曰負弩入疆先驅岳牧謹汜掃夫行館以候

御宿彼不橐而自轅競子來於版築謝粉丹之絺纈蹠
山水之灝淑

皇帝猶澹無爲敦太璞式茅茨之不斲斥雕幾之近緇

爰牖以臺簡之要斂以清淨之福

詔書切誠儆於有位曾不憚再三以申告緬采椽與卑
宮實巍巍遠嬋夫芳躅

謠童曰琅玕獻其采竹箭毓其材挈柄八埏頓絃九閼
方狴

闕以鱗集試南宮而翕開聯奎耀以旁魄燭斗牛而昭
回擊轅之吟協韻於紉縵迎

鑾之曲比節於扶徠迺

行廬之給札江浙則薇垣綰職江西亦桂苑題籍如遡

玉堂而登蓬萊陶頽沼之樂豈廣青衿而煦培僉詠蹈
嘔喻紉菁阿而進曰盛哉

壤叟曰斟元鞠化煥乎

天文范雅甄謨仰乎

大君惟

神毫濡染漏未移點晷不更分臯煙隰霽悉受

大造之迴幹山若增而嶇欽水若波而齋淪蠕蛸翹秀
之屬若益蓂蓂而玃玃自

初二三集藝圃所牴沫舊均新藻珠聯璧疊咸迴出於

思聞壘海騰虬豐碑切雲展也嬋八閩軼三墳長照耀
乎無垠

謠童曰

鑾輿時省誕錫多祐沃之若露灌之若乳噓之若風膏
之若雨被渤澥之餘潤猶液漉而不可僂數豁丁竈以
紓力尉牢盆之劬者祝

湯仁之解網迴陽曦于園土組練搏隼艤艫翼虎

華蓋容挹歡臚江潯黃頭守櫂日顧其旅樓船停輓月
餽其伍所過名山大川薦煥福辜考鐘櫟敵

睠舊臣之宿草澤竝漏於雕俎

鴻施渥典隨徽志以匝匝夫奚一物之不獲其所雖翰
林子墨休思拙毫亦莫殫其覩縷况耕鑿之順則亶冀
鼓而軒舞

壤叟曰綜子之辨約子之指譬踐旄敦而度高酌汎濫
而量委物規晰於萬一尙未罄

勤民之懋懿也今將慶恬波於靈溟瞻榮光於德水告
子以

丕績博子以要旨

謠童曰海於有蔽鹽官之塘重郭抗濤屹焉若鷄審起
伏於埧漲告南陟而北臧維

天臨眡成以定畫盍觀寧而挖詳

壤叟曰三疊噴飲互爲衝首伍胥之所汨重寶蒙之所
析剖崇隄螭輪萬弩壁守曩者

金根屢紆肇未迄酉

重瞳周覽什究燥夫八九相水土以搏掄知排椿沈撻
之各有所取故一層二層之坦四尺五尺之誌條石由
石之規竝握竿於貞久今

籌安重莅諷可度否齧帶郭之舊防

命易蠶而培厚鹽倉東驚竝海屈糾柴石間築

計輦厥後地所受裁戒爾植輒別以緹舄固以牝牡仍
資衛於宿薪毋以改建而遂忽於棄帚覲成腴以惠瀾
惻陽侯而卻走維浙西千億萬赤子永戢生成於我
后

謠童曰河宗自出昆侖之巔葱嶺蒲昌是惟重源乃千
里一曲一直而歸墟於安東之壩疏停道滯

禹績用宣越襲鑿之繼

志復身畚芟以爲人先或醺之渠或滌之川迫茲
五巡而

授策彌決於萬全叟亦能第嘉頌而誦翁河之篇乎
壤叟曰天人之交元契斯應幽贊神明昌符協

聖屬儀考之澹菑佻期日而未竟用夙夜紆軫於
皇心謂皓皓盱盱之爲吾民病昨

鳳鱸之造梁告吉禱而展敬迴

淵衷以默祈禮

祠庭而弭榜河精禔禔盱盱如贈升煙財督乎一昔已

周流常羊而允答夫

神聽欽陽感

天之洵不旋日歲隄繇而誌慶若乃竹箭春流黃淮滙
併填淤反壤偪則劇競自廝新河於陶莊而濁無回濊
清無帶輪乃廣混而各若其性茲者

法駕臨視

鑒抽薪上策更重巽以申

命焉岸拓容湍波寬失勁重臣稟

算導緯析經亦粵雲梯下趨彭城上亘驗水維於蒼檢

勩

宵衣而權訂豈伊後世溝洫河渠之志所得絜其
訏謨固已揆地通原邁義軒而遐負

謠童乃作而謝貧劒而請益曰蒙也沐浴

醴化出作人息以飲以食不知不識第延蹊夫

穆穆之光而莫克形容乎

盛德幸叟昭晰震煒俾瞑蹟者得以窺職植者得以測

歌詠

帝力長餐挹而無極

於是前喁後于結襪聯紳抃呀怡懌偕拜手而進陳曰
蓋聞乾坤之策二五式均肇五遞積奇偶相因自萬有
一千五百二十而推演於無量戴天行者識圓轉其如
輪恭惟上章以五

紀歲正泰元增策

袞晉七旬而習五繇以告祥者又適屆十有五載用懋
舉夫

五巡五位相得而各有合忻若緯環嶽拱介

純嘏而啟洪鈞由是相乘相衍將萃元會運世而駢禔

納祉於

聖人游

壽寓者容隸不能究其算述

巡典者媯妣不能邁其倫至如臣等昭景飲醴含冲佩
淳際游華而錫羨樂登臺之恒春惟曰自今至於萬億
年勿替引之常祝

慶祺而翹

勤蹕此所以尤後戀於

屬車之清塵也若夫觀河拜雒察扈合符荒誕瑰異之

說固

聖哲所弗道又烏足以擬議而竝論

御試文

誠無爲論

嘗觀萬理之具於我心者莫不有其渾然太極之真與
爲綢繆而摩盪而要其所爲渾然者一念之未發一私
之不縈天下萬事萬物之理殫然具足於其中而天下
萬事萬物之所以然仍寂然不動於其內何也曰天體
無爲而原之出於天者亦莫不有其人生而靜之初焉

此無爲之旨周子所以言誠而卽太極之義所由發明也今夫大哉乾元萬物資始誠之源也乾道變化各正性命誠斯立焉誠非確有主名之可按哉然而誠固無可名也可名則有爲有爲則非復太極之真矣五性相感而未感則無爲忿懣恐懼好樂憂患之未萌其蘊於一誠者絕無端倪之可尋百行有原而其原則無爲惻隱羞惡辭讓是非之未著其統於一誠者更無情狀之可覩大哉誠乎自其在天者而言則隤然確然易簡之原宰乎羣動之先而太虛無朕所謂上天之載無聲無

臭也自其在人者而言則何思何慮寧謐之衷立乎云
爲之始而得主有常所謂成性存存道義之門也自其
統乎畢生而言則赤子之心卽其誠雖無端啼笑未始
不類乎有爲而由少壯以觀則知識未開者一無爲之
體也自其由乎一日而言則平旦之氣卽其誠雖好惡
相近未嘗不驗之於有爲而就旦晝以遡則梏亡未覩
者一無爲之象也大哉誠乎根乎物與无妄之原藏於
宥密不見之地靜而無靜不淪於寂滅動而無動時見
其淵涵一物未交而聖狂莫判萬籟俱息而舜跖無分

如鑑之空如水之止鬼神莫窺其朕兆覩聞悉泯其形
聲以至無而涵至有以至虛而含至實非以無爲而宰
乎百爲者乎若夫由此而達之於爲則爲幾矣幾則易
濇乎誠吉凶悔吝生乎動其是之謂乎

擬爵李躬桓榮詔

朕獲承至尊休德傳之無窮思稽古典以教孝弟仰惟
光武皇帝受命中興撥亂反正耆定武功遂建三朝之
禮恢宏大道被之八極而臨饗未行至德莫究永言遺
緒夙夜常在朕心迺者暮春吉辰初行大射令月元日

復踐辟雍尊事三老兄事五更公卿撰杖朕親祖割樂
既備奏進而乞言百僚具瞻兆庶忻暢斯皆聖祖功德
之所致也顧惟涼薄仰承休業獲受斯慶踧踖惟慚三
老李躬德淳學茂五更桓榮傳朕東宮朕既不德不能
厚報重閔勞以官職之事其各以二千石祿養終厥身
竝賜榮爵關內侯食邑五千戶天下三老人賜酒一石
肉四十斤有司其申勅四方率由孝治養耆艾奉高年
俾化成於鄉以永光我漢德豈不休焉

擬循古節儉奏

臣聞先王之制自天子公侯卿大夫士至於皁隸抱關擊柝者其爵祿奉養宮室車服之制各有差別小不得僭大賤不得踰貴非特其制節謹度然也蓋所以辨上下而定民志防其奢欲之萌而杜其亡極之漸是故堯舜之世土階不翦茅茨不飾宮女不過九人秣馬不過八匹所以蕃阜庶物節宣財賄穡足功用如此之備也故天下家給人足而頌聲作易曰后以裁成輔相天地之宜以左右民備物致用立成器以爲天下利莫大乎聖人此之謂也至高祖定都咸陽反秦之弊孝文皇帝

循古節儉身衣弋綈慎夫人衣不曳地嘗欲營露臺召匠計之直百金上曰百金中人十家之產也遂止苑囿服御無所增益有不便輒弛以利民是以海內殷富興於禮義此躬行儉德之大效也孝武之世大事兵革行齋居送中外騷擾而又廣治宮室起上林苑屬之南山又多取好女至數千人以填後宮及孝昭幼沖霍光秉政不能以禮輔導山陵多瘞藏物又出後宮女置於園寢沿及孝宣相踵不絕羣臣莫知舉正甚可痛也是故奢侈成俗轉轉相効大夫僭諸侯諸侯僭天子嫁娶過

度祭葬越禮衣服劒履亂於主上然不自知其僭也習
爲固常媮視一切蕩然無復禮義之心陛下又不爲矯
正弊將安所底乎今大臣徒循故事無可言議論語曰
當仁不讓臣愚以爲陛下宜斷自聖心參稽往制以復
古化不當因循苟且有厚自奉養之心今齊三服官作
工數千蜀廣漢主金銀器官費鉅萬夫竭民之財以奉
主上所求無窮而其力有盡今民苦饑饉而廐馬食粟
且萬匹非所以示爲民父母也臣禹不勝拳拳唯陛下
深察古道從其儉者乘輿服御三分去二後宮擇留二

十人諸陵園女悉遣宜春下苑西南至山西至鄠悉復以賦貧民庶大自減損有以安元元之命稱上天之心夫聖人憂民非自娛樂上不甚損而下受其益陛下何憚而不爲耶伏願遠思堯舜之德近察文景之治鑒海內耗弊之由絕法度無限之本移風易俗曠然一變其始太平之基可立致也

耗羨有無利弊策

臣對臣聞古之言國計者莫備於周官一書冢宰之職九賦以斂財賄九貢以致邦用歲會月要具有定式皆

所謂惟正之供者然考太府所掌式貢之餘財以供玩好之用而金玉齒革又屬之於內府則常賦之外自有贏餘者以儲用可知也後代貢賦所出幣易而錢錢易而鈔鈔易而銀完納有多寡之殊傾鎔有銷耗之漸於是山散而聚者尤不能不藉贏餘之數以贍費而便民而漢唐以還其制不立故靡得詳焉我

國家本計加勤民寧益裕輕徭薄賦休養百有餘年而耗羨歸公一項或有以於古未合爲疑者不知耗羨之名雖不見於列史而其意實本於周官且在今日除弊

利民更有不得不出於此者臣竊綜其利害而計之方耗羨之未歸公也常賦爲府庫之上供耗羨爲州縣所自取儲之府庫者有冊籍之鈎較而杪忽不容以橫增取之州縣者任谿壑之貪婪而千萬何妨於恣意其所以蠹國而病民者豈有窮極哉然其仰食於耗羨者正不獨州縣之予取予求也上官勒索期會日至於府矣京僚借貸竿牘不絕於門矣且也親戚之交遊僮奴之衣食又無慮千百指之垂橐而待矣於是罄其所有不足以供而勸輸之令科派之目遍擾於民間拖欠之久

虧空之多遂及於帑項民困之所以難蘇而官箴之所
以日闕者職是故也自雍正年間定歸公之制始舉積
弊而一空之官吏絕依附之徒而苞苴之風息公費有
支銷之款而箕斂之累除而又卽其中設養廉銀兩以
優贍臣僚俾官與民兩受其便誠萬世之法程也顧行
之旣久而公私積弊未能盡去猶有足以上塵

宸衷者

臣

愚以爲耗羨之制斟酌盡善固可爲久遠之

規今日所慮亦惟在司其事者之奉行不善而已蓋耗
羨有恒數而不肖者輒思加重平餘養廉有常支而濫

寶堂集
費者不免動及正帑將恐耗羨之外更生耗羨而利孔日開民乏日甚有大足爲成制之害者此前憲昭垂之下不可無隨時補救之宜也我

皇上惠澤覃敷仁風廣扇蠲租減稅疊降

恩綸溥海黎元無不飲和食德而又諄諄

詔諭大小臣工以潔已愛民爲要務凡有地方錢糧之責者果能凜遵

聖訓奉公守法砥礪廉隅而督撫監司又爲之以時督率俾出納有準務矢清白之操徵收有方不爲苛急之

政用度之浮靡必謹胥吏之稽察加嚴庶乎有利無弊
而良法與美意竝存國計與民生永賴矣

臣謹對

寶奎堂集卷二

孫男成沅謹重刊

寶奎堂集卷三

上海陸錫熊耳山撰

表

爲王大臣賀

平定緬甸表

欽惟我

皇上聖武布昭仁恩普被懔威稜於有截師中揚鈇鉞
之聲溥聲教於無垠化外格車書之會協一方一圓以
致用神機不設成心苞九天九地以稱奇遠馭長操勝

算奄羗髯而受索銅標雪棧之塗跨濛朐以開疆玉貢
金庭之域凡人事天時之有合先幾炳燭於

九重故義征仁育之咸宜

獨斷折衝於萬里率俾暨光天之下孰敢外於鈞陶來
威若時雨之行自不勞於血刃欣際六師霆震共看蠻
服之收寧仰欽八表風從彌慶

帝圖之廣大蠶茲緬甸本屬么膺窮邊稱白象之酋竝
海畫朱波之壤巢梟覆卵莽瑞體旣炊火無遺乳虎游
魂甕藉牙復羽毛漸長屬疆臣之稽討始示包含乃逆

孽之亂常旋滋鈔竊責白闕金旄之稅種人則汴被鯨
吞匿叢篁茂箐之區醜類則潛驅烏合向緣邊而盜食
各土司偵候常驚敢附塞而藏逋諸版納耕糴盡擾後
虹霓於列部望切來蘇剪蜂蠆於窮荒誅先後至適
咨偏旅爰示薄懲萬竈因糧指蟻封而采入千旌奪壘
掃象陣以橫馳詎挺原伏莽之能爲顧薙草獮禽之未
忍

謂不足臣而不足守原無煩斧質之汗庸示以德而示
以威俾共喻丹青之信當三旬之逆命舞干猶洽於好

生更一載之休兵食樵期思夫憬德豈意穴鮒假息未
悔觸藩檻獸呼羣尙懷拒轍旣益稔怙終之惡實難寬
阻教之刑於是赫

天怒以宣威秉

神機而授算因相臣之籲請

命佩印則旄節飛霜選禁旅之騰驤肅禡牙則弓刀曜
日用簡孚於在位兵出有名維震驚乎朕師罰行罔赦
蓋

聖人之心非得已

睿懷咸喻乎羣工而司馬之法有必伸

義問早宣於絕徼故乃關開鐵壁分兩道而搗厥中心
路繞金江按五城而斷其右臂野牛壩晨漂木梯雲排
下瀨之船戛鳩水曉亘梁虹雨洗淩波之甲南掌則騰
箋貢款脩矛戟以同仇猛拱則獻籍輪忱屬囊鞬而請
吏自會師於蠻幕旋奏捷於新街地迸千雷奪幟而頻
舉畫纛星飛一箭伏殺而早殪紅衣老官屯乍合長圍
阿瓦城已披狡窟方見雲梯百道尅日而犁掃堪期
特念霧嶺千重計候而鬱蒸是廛

中旨決班師之策方矜暴露於熊羆急郵傳奉朔之章
遂覩饗風於豺獍頭目則投戈繫組乞命須臾緬會則
襲錦封函革心祈請率南人以受約讐

天威而若藿傾陽拱北極以朝宗捧

德命而如綸布澤賁帙蠻貊駢闐羅迂道之漿漆股文
身鞠膾敏當關之鑰列睢盱而舞仗待重增王會之篇
一尉侯以頒符看更續形方之紀維事機之適會陰陽
悉契乎

天行故震疊之遙傳進止咸承夫

廟算雖

一人裕謙冲之度

宵衣猶歎成功而萬方知弔伐之由折筮原非究武逆者征而順者撫仰

至人張弛之宜叛則攘而來則安實中夏羈縻之道從此苴蘭入版百夷之包圍偕來還欣滇洱流膏六詔之藩籬永奠底羣方而慕化洵闔寓之流歡臣等忝列具僚恭逢

盛事奉

德音而動色如親挾纊於軍中緘誓表而馳誠徒愧請
纓於闔外叶止戈之爲武頌

至德而運量難名覩益地之成圖仰

神規而贊揚曷罄譜歌詞於槃木恰同臚介

壽之觴煥瑞曜於離方喜益茂

延釐之錄

爲王大臣賀

平定金川表

欽惟我

皇上德懋敷文功崇綏遠車書萬國瑤圖越參井之躔
干羽兩階玉壘靖攙槍之氣法采薇以命帥偕迎時雨
之師圖滋蔓以寧邊普洽光天之化維金川之小醜介
蜀塞之一隅徼接旄牛輒夜郎之自大蠻聯板楯每鈎
町之相攻懷奸久恃其包藏授律曾經夫撻伐射九頭
而掃跡

神威早凜軒弧祝一面而全生

大德幸寬湯網方謂雷霆收怒期豺性之終馴豈知風
雨興妖尙鵠音之難革凶殘相繼索諾木則軀又生羅

寶奎堂集
卷之三
間謀潛通僧格桑則唇還倚齒竊稱戈於鄰部妄逞磨
牙屬出柙於疆臣猶稽落膽我

皇上念穴中之鬪鼠汗斧無煩憐釜底之游魚炎岡未
忍倘三章之奉約珠崖原許羈縻迨九伐之興師丹浦
初非樂戰廼跳梁之自阻更伏莽之羣興聯九姓以分
疆咸遭蹂躪控三城而置戍敢肆憑陵拒比陰螭旣
生成之自絕噬同瘼狗洵苞葉之當鉏蠢茲憤結神人
天討宜申於司馬

鑒彼靈求邊徼妖氛冀靖夫封狼始弗獲已而用兵謂

不恭命者無赦於是銀麟授印高懸大將之旗玉虎分
符廣練倏飛之士修戈矛而偕作禁旅雲騰咨彭濮以
咸徠連營雷動桃關啟路威通井絡之墟雪嶺揚兵氣
奪綢金之堡指翔禽之晝落但怯虛弦逐鼉兔之宵奔
惟存空窟乃平摧夫堅壁全收盞拉之疆復

申命夫中權進壓促浸之境千山鼓角天上爭鳴兩路
貔貅雲端竝下峯迴東馬層礪則捲簾齊飛逕關緣猱
峻棧則淩組直度勒烏圍高墉不守匈奴之右臂先除
噶喇依孤壘徒撐長狄之春喉難遁摩霄拔幟盡散狐

羣匠地張羅立窮艷技星臨廣幕徑探穴虎之城月暈
重圍不斷長蛇之陣賊徒攜貳方剗刃以來降番衆謹
呼競提簞而受撫信覆巢之莫保親戚皆離遂繫組之
成擒罪人斯得是皆我

皇上天威遠播神武遐宣懸金鏡於

先幾無微不照握瑤鈴於祕策惟斷乃成

御札三霄赤羽問投籤之候軍書萬里

丹毫成聚米之圖蓋奇正兼資

授算不踰乎寸晷故機宜悉稟集勲適葳夫五年黃鉞

聲靈盡掃沈黎之霧紅旗騰踏遙穿叩穀之雲會茲辰
凱唱金饒

春闕之共球正集看他日歌傳槃木雪山之耕鑿常恬
喜溢班聯歡臚寰宇臣等才慚磨盾願切鐫銘迓百福
於

王正欣聞吉語頌六師於周什倍仰

神謨際靈臺偃伯之庥包戈共慶續麟閣銘功之盛宣
石難名

爲總裁進

平定準噶爾方略表

欽惟我

皇上神謨廣運義問遐宣德耀軒弧地絡恢紫濛之野
化覃禹服天山鞏白阜之圖拓二萬里甌脫而遙共球
翕集越廿八宿經疆以外疆索閎開周原排築舍之謀
握珠鈴於獨斷大漠奏犁庭之績懸金鏡於先幾師期
甫再閏而不踰

廟算爲百王所未有碣樹龍堆絕徼流沙詎盡提封觚
操虎觀新編聚米宜昭方略曰前曰正曰續彙

三朝之訓典而兼賅系日系月系年書兩部之蕩平而
悉備原夫傳標西域錄著班書鎮啟北庭事詳唐籍繞
陽關而保塞外孫之國空傳度陰磧以懸兵都護之官
旋罷難堅約束焉耆王則侍子終歸略受羈縻吐谷渾
則降番欲散矧復湟流地限徒矜貢馬之連羣要知蒞
醬名高究屬乘槎之鑿空創非常而立極奇功實待於
聖人擴無外以恢紘盛事獨超於亘古溯自阿魯台之
部別爲準噶爾之名顧實汗旣老上初強噶爾丹遂夜
郎自大四部本伊唇齒雄心已侈鯨吞七旗係我藩籬

狡計將罹蠶食洪惟我

聖祖仁皇帝親征三駕凶渠仰藥以歸骸爰逮我

世宗憲皇帝大武一匡逆孽輸琛而表界惡未盈於五稔姑稍寬畫斧之期亂彌扇於九黎將自邁焚巢之禍蓋威畏德懷之並用實天時人事之猶須當

聖主之初元正

神機之默運乃閔蟻頻經掃穴終焉推刃相尋亡猿亦効款關正爾操刀宜割迓壺箠以載道競傾馬乳之漿蹴廬帳於窮荒竟折狼頭之纛厄魯特燎原孰避及時

春雨其蘇綽羅斯因壘皆降所過秋毫無犯右師應蜚
先濟俄傳頡利之宵奔別部捧檄偕來已見兜題之面
縛將欲性馴虎落分封存衛拉之規何期唇沸鴟音交
扇起伊犁之黨比烝徒勢集怒螳猶覬當車而小醜途
窮鼯兔豈容擇窟邏騎徠大宛汗血共期誅毋寡之頭
窮鱗賸羅刹游魂早見瘞蚩尤之髀舉虺潛之逆種莫
請灰釘暨烏合之凶徒均膏齊斧籌萬全而安衽席因
一舉而靖機槍至分部於花門原連疆於葱嶺責延留
之納稅誰憐力盡鞭笞等阿惡之拘會久已命懸湯火

詎入檻之纍囚方釋鷹竟離鞬迫乘輅之節使被遮豺
還當道實難期於人理寧得這乎天誅是用

申命元戎龔行顯罰下諸城而斷臂白山之士氣胥騰
踰重險以攻心黑水之軍聲協應乍觀朽紅困滿三單
因雪窖之糧旋聞鼓角地鳴萬里躡洼池之騎維

睿畫早周乎前事六師疑天上而來况聲威尤懾夫後
援二豎尙井中而坐伊西洱風雲合陣于懸之棄甲何
多拔達山草木知兵巨骨之專車遂致於是收其種落
初興司馬之屯定厥租庸更置宜禾之尉從茲出玉門

而風和吹遂開繡壤而雨潤翻犁測月蝕以分疆正緯
度東西之次越繩崖而表景總金山南北之圖查拉則
花蕊翻新不數車師白氍騰格則暮文別鑄全銷安息
金錢邊營苜蓿干羣不費市臺之採購遠堠黍稌萬畝
無煩農部之輓輪矧月盈璇壁之河歲致崑波撈玉露
浥葡萄之圃人霑閭苑分漿大都督門戶持麾扼蛇陣
適中之勢副校尉輔車列鑰規犬牙相制之形秋嚴乘
障之烽瓜期及而一軍番戍春荷醺渠之鉤柳中屯而
六郡催耕羣欣通道痕都五印土同遊化宇自悔陸梁

烏什一丸泥立墮孤城彎庭氏之神弓孽芽盡折按形
方之要籍灰燼全消蓋惟屢變而愈康

天授若符乎左券以故一勞而永逸

神謀適契乎中權者也今試溯牙璋之初發洎玉斧之
長驅實承鴻貺而方臻用展龍韜而屢捷臚奉常以紀
績際會昌辰譜桐鼓以宣音鋪陳偉伐旣施仁而布澤
還飾喜以崇儀

郊勞臺邊鐃鐺和甘涼之曲策勳閣下丹青傳褒鄂之
姿因覘

聖武之布昭進頌

奎章之炳煥提要揭雲霄之指鐸振聳鄉盤空鐫金石
之文星輝昧谷火敦腦粘天浪靜慶

王師洗甲而還狼居胥冠日峯高瞻

天筆勒銘其上維居中以制外包九天十地而運幹璇
樞用原始以要終括二典三謨而文刊玉律莫不六條
頒格長貽奠枕之安九域歸懷益見輦甌之固準天保
采薇以出治頌聲之作昭然邁握幾鉤要而成經軍志
之言粹矣臣等忝効編摩預聞

密勿驚銅鐙而候燎每聽五夜之

傳宣紬石室而濡毫靈藉一辭之潤色匝月再呈夫乙覽爲書百七十卷而奇程功託始於亥春閱時十有五年之久欽大業之守而彌創集靈臺偃伯之庥仰淵衷之謙以持盈徵冊府傳心之要

爲總裁進

御批通鑑輯覽表

欽惟我

皇上法古綏猷右文成化稽帝堯而稽帝舜考禮樂以

等百世之王監有夏而監有殷秉權衡以定一中之統
刊歷代廿二家之史文訂差訛紀勝國三百載之書編
沿正續廣修明於舊典取鑑無遺闡義例於微言折衷
有待惟

作者之謂聖體則史而義則經洵

煥乎其有文指以千而言以萬成編旣定

至敎斯垂原夫在昔有邦若時稽古因文見義用布訓
於丹青比事屬辭咸取裁於筆削蓋史使其記必明取
舍之宜而鑑監於前實具是非之迹至編年以定體尤

提要而徵文涑水之表歲系時哀輯實原於漢紀紫陽
之列綱分目指歸悉本於魯書洎遞嬗夫元明亦間沿
爲著述然而年芟益部不同習氏之存劉系黜房陵莫
問昭公之在晉合書地書人以表例柄鑿恒多繫歲陽
歲陰以表名盾矛不免雖糾唐有作文人之習相沿而
譏鄙無庸史法之傳漸失乃在前明中葉復有纂要一
書略具規模倍多躋駁魯魚錯見沿故牘之乖譌臧否
失宜任詹言之蕪漏當發函於

幾暇欲訂毫釐因付館以編摩載陳圭臬纂排數載舊

萃羣書授青簡而

肇錫嘉名

御丹毫而時抒精義溯自分編以論次逮茲削藁而觀
成凡條目之攸紛幸

睿裁之悉稟

闡特標之論覺管窺蠡測而無由

垂刪定之文實壤薄流涓之莫助承素王而續彝典說
明則道自可行仰

聖祖而紹前聞揆一則心無不合昭其經法大旨備而

悉奉指南示以變通舊例繁而不皆從朔大用策而小用牘若網在綱國爲緯而年爲經咸指諸掌審是非而繩懸悉準具首尾而囊括無遺紀載之例綦嚴宜事增而文省見聞之辭各異故遠略而近詳或分注以備言特書與附書竝列或後經以終義事本與事末兼該披月竈之輿圖悉河判重源之實考星經之次舍知躔同五緯之誣國語則遙證金源按出之傳譌始剖世牒則遠徵蒙古却特之受姓咸稽以至正字審音三蒼竝協旁及釋名辨物五雅兼資凡質實而辨疑盡部居而州

次警校讐於掃葉作述之義昭如擘體要於挈裘與替之端備矣且夫正統偏安之辨尤屬人心天命所關卽良史未協於大公欽

宸斷獨衷於至是蓋自緹油失職恒緣諱飾爲文迨至光岳分區浸以詆譏成習名互稱夫島索徒相嘲出聘之車號已貶於孫臣尙欲侈橫磨之劒總偏私之曲徇致名義之都乖況如丙丁讖成宋祚隨江潮竝歇庚申史就元基與塞草同荒乃或續景炎於南渡之餘更且擯至正於北遷之始皆妄加其予奪遂盡悖乎公平惟

至聖之制義因心故定案必循名責實削紀年於閏位
凜乎大命之難諶改書寇於舊條截然內詞之莫假實
從古未發之義於此心適得所同屬勝朝改玉之時當
聖代膺圖之會欣際

六龍乘御大一統已悉受周疆

特念五馬倉皇小朝廷尙僅留夏肄殉黃巾於冀北旣
大書春月之三擅白版於江東遂并紀福王之一運分
甲乙存殘局而國號斯加事附閩滇溯遺封而藩稱非
僞是皆擴

天地爲公之量覆載同符因之冠

星雲有倬之章典謨竝燦春秋之旨
在居正奉正義以無私帝王之事集大成
勒成書於有永允矣無偏而無黨粲然是訓
而是行至

特筆之所垂統全書而咸貫劒南之冊未至
肅王不改儲稱上都之號猶存懷邸難逃纂字
循莽大夫之例望石城而冷笑褚公冠周平
章之名對高廟而多慚狄相莫不約羣紛以
炳義本

彝訓以敷言立綱常名教之大防極微顯婉
彰而一致

信讀書之貴得間不啻引錐而畫沙審觀人之必於微
乃知鑄鼎以象物蓋揚王鈇以治萬世非

天子莫操其權而會民極以執兩端獨

聖人能見其大昔者蘭陵通史繁華徒侈千篇貞觀晉
書論斷祇存四贊咨忠臣而錄袁粲寧本親裁侈盛事
而補陳橋何關正體從未有定書法則

軒鏡心懸著史評則

堯文手勒善者勸而惡者懼知袞鉞之非空言參於天
而驗於人在方策以明大道書成一百二十卷盡善盡

美而蒞以加事紀四千五百年舉要舉凡而得其當臣
等學慚閱覽才謝淹通識故籍而有愧五難論先民而
粗聞十例時政記言起居記事願依左右史之班伯恭
知古君舉知今難參大小賢之例屬操觚於虎觀濫廁
分排承執簡於麟編幸邀

鑒定惟子夏得其書矣詎能贊夫一辭若臯陶見而知
之實叨榮於千載從此名山藏副定百家作史之模更
欣

祕殿刊成闡奕禩傳心之要

劄子

爲在京漢官奏謝開科蠲漕劄子

欽惟我

皇上治握瑤樞化光玉燭躔開璧府布文露以占祥藉
劭珠倉驗歲星以錫福天衢利見道亨而論秀偕升地
寶咸登頌作而綏豐屢告四度廣寒增籍珊瀛之解額
頻加三回發運蠲符繡壤之田租盡復建新賢於磧外
絃歌遍月窟而西食舊德於寰中耕鑿滿春臺之上固
已菁莪樂育二庠之賓賦呈材廡廩蒙庥九鴈之農辰

協正茲以泰元推筴將增寶表於

堯年因之尺一頒

綸預却瑤觥於幽雅在臣庶情臚獻

壽尙慚三祝之輪忱乃

聖人欲軫從民

特慰萬方之待澤念儲才於學校彙征吉而闡用四門
思藏富於閭閻慶賜行而足先百姓捧雲中之

鳳詔歡動青衿拜天上之

鸞書和生綠峴薪栢叶咏添栽桃李於春官粟秸無徵

普免稻梁於秋賦桂苑聯登杏苑十七省真喜洽周天
豫州遞及荊州廿四郡仍膏流間歲合兩闈以溥
惠冠子卯酉而瑞啟先庚輪七載以施

恩屆甲乙丙而祥鍾當午選賢書則三塲迭試正副榜
之名姓都題準計簿則九等均籌本折色之顆銖盡豁
溯卅六科搜羅允備更今番路廣彈冠數十五年

曠蕩重申猶前度糧餘棲畝霓裳疊奏競接武於青雲
戶帖停催看騰歡於赤縣從此奎芒射彩吉徵瞻聚緯
之符還如太乙行宮福曜遍臨方之慶紫垣煜爚羣欣

懋祉之駢臻黃紙傳宣共荷

湛恩之彌渥臣等幸依魏闕仰誦

宸謨榮已溢於彰纓觀盛事而快先韋布愧方深於竊
粟奉

溫言而感倍鄉閭近

光首切夫鳬趨戴

德同陪夫鰲抃拔十尙期得五願諸生勉副

芳求耕九疇獲餘三知太史常書大有塗謠巷抃冀稍
抒銜結之私山壽川增惟益晉

升恒之頌

爲熱河諸生謝設學建廟釋奠落成劄子

欽惟我

皇上統備君師化覃中外率俾暨光天之下千百國文
德同敷執中肇建極之原十六字心傳畢貫涉星波以
負笈重瀛之子弟偕來徧月窟以橫經絕域之絃歌相
應惟興州之奧壤當朔野之名區溯畫界於五京尙闕
版章之籍逮棄疆於三衛幾成甌脫之鄉自全輿歸形
訓之旨始長塹罷春秋之戍駐

軒皇之華蓋豫遊常奉鳴鑾築

堯帝之茨宮會極曾臚合瑞乘六龍以時蒞

天行垂法

祖之猷屯七校以從蒐

聖武震柔邊之策塞田留熟慶數千里匝隴桑麻

仙館那居看十萬戶環闐煙火班初升於赤縣彌覘地

產殷繁志已藏於黃圖尙軫人文樸略

念序庠其有制聿遵太學之成模

謂富庶以何加宜廸

聖人之至教因誕敷夫

恩綽俾特建夫新翼列舒雁之青衿員增弟子擁銜鱣
之絳帳職領師儒正誼分齋肄籥課四時之業明倫表
額限經循二試之規度爽塏以初營泮水則半規浮碧
峙桷楹以竝作宮牆則萬仞飛翬爰嚴栗主之隆儀仍
準戟門之令式禮崇

文廟揭日月以升東號冠熱河紀山川而從朔侑馨香
於兩序配祠之定位無訛宣和雅於三終正律之元音
悉備秀鍾武列知衆派之同歸瑞拱興安仰高山之在

望當采芹而思樂來巡纔迓

鸞旂乃釋菜而觀成展謁還紆

玉輅盈階吉份重比園橋列几嘉邊輝分闕里辨攸協
奇褒之節屈萬乘以尊師陪禋偕奔走之司

詔諸生以觀禮重勒劈窠鉅榜墨海騰虬

特摘紀事鴻篇文園翔鳳神明無往而不在想壁中金

奏遙傳禮樂待時而後興正天上奎文永煥某等欣沾

時雨幸服儒風飲和貽作息之恬論秀沐栽培之厚聽

講堂之鼓篋乍荷甄陶觀禮殿之懸圖惟深踴躍近

聖祖集
光華於塞上恍相攜槐市生徒和絃誦於關中欲常傍
杏壇雨露欽此日詩書立訓適追牖俗之

神謨願他年棧樸成材長頌作人之

聖壽

爲王大臣謝

賜清文鑑劄子

欽惟我

皇上文思廣運聖學超微八風宣而韻叶和筦聲皆爲
律六文成而祥開彩笺字本於形史釐前代舛訛彙三

朝以訂義志矧同文標準合西域以臚音粵徵鴻製於
國書久奉成編於

文鑑在昔

神明立極肇開義畫於先天及茲

述作宣猷重煥堯文於奕世闡元音以述要欽

聖以繼

聖之隆模參新例而發凡仰精益求精之

睿志自

綸言之渙布經館局以分排

國語首標建臬表創垂之制漢書旁附貫珠諧通變之
歸權輿於一十二字之中悉唇調而齒協推衍於三十
六部之內亦明次以州分舉類稱名卅二卷舊聞大備
象形會意五千言新語增翻蓋音本自然清濁分而音
皆從字故義非強合箋疏富而義不淆音凡夫精意所
昭垂悉本

聖裁之鑒定全函鐫就集形聲至理以咸該令甲
頒來達邦國書名而皆準茲復仰承

嘉惠均荷

榮施捧自

丹墀敬誦

聖人之制作肇來緇帙欣逢

天子之考文

臣

等學昧審音才慚識字仿推詳於轉注

信從來穿鑿皆非循繙譯於偏旁幸此日考衷得是揚
王庭以宣化願偕九譯而同遵教國子以程書常與六
經而竝重

爲王大臣謝

賜御製詩三集劄子

欽惟我

皇上觀文成化出言爲經垂玉策於詩壇叶九奏莖韶
之韻冠瑤章於集庫陳八風紉纓之音千篇則點筆如
飛經緯新而熟彌生巧十體則分箋竝下包含廣而太
可通神契歲序之周星初二集已辰環鳳律運天行之
駢曜萬千首更珮積驪淵溯紬簡於先庚雲鏡奏雅洎
增函於開甲芝莢敷珍粵矢詩之旣多洵體物而咸備
彤闥愛晷述盛典於萱枝

翠輦行春陋新歌於竹箭驗雨暘之時若在宥同歸擯

子史之微言羣疑竝析法六經以見道精焉卽兵農禮樂之書彙萬有以取材散之兼草木蟲魚之疏何止比周公制作僅諸家盡入範圍卽使付游夏叅詳實一字不能增損佇窺全於延閣赤文願觀光華迫錄副於禁林翠版載咨剗剗三編排就會甲乙丙而包括三才百卷刊成起漢唐宋而陶鎔百氏欣叨承夫

恩賜獲仰誦夫敷言錦帙攜來紫極之雲霞交燦牙籤頒到黃封之翰墨俱香正襟對而肅若橫經盥手題而恭逾執玉惟冀藏諸三篋永貽珍什襲之傳還看載以

寶奎堂集 卷三
五車佇閱紀便蕃之錫臣等學慚篆刻才謝賡颺和雅
頌而莫效來歌感宮商而自同率舞虔奉則榮光照室
知天下之

大文披尋而妙緒生心信

聖人之至教惟深欽佩曷罄名言

寶奎堂集卷三

孫男成沅謹重刊